

LA QUOTIDIANA

FMR Fundaziun Medias Rumantschas, Via da Masans 2, 7000 Cuiria, 081 544 89 11, redacziun@fmr.ch



La nova cumissiun d'energia

La vischnaunca Ilanz/Glion è dapi 2011 «citad d'energia». Ella cuntinue-scha ses engaschi latiers. [Pagina 5](#)



Martullo la gronda

Da statura è ella plitost ina «pignucla». Ma sco interpretidra è ella la pli gronda en il Parlament federal – e gliez per lunsch ora. [Pagina 3](#)

FMR FUNDAZIUN
MEDIAS
RUMANTSCHAS

südostschweiz

SURSELVA

Trofea Péz Ault cun 200 participonts

La Trofea Péz Ault da sonda e dumengia a Mustér ei buca mo ina cuorsa populara uonn. Ella ei era gest il campiunadi svizzer ed il campiunadi hollandes da turas da skis. Per quei motiv spetga il president dil comite d'organisaziun, *Giochen Bearth*, rodund 200 concurrentas e concurrents alla partenza. La cuorsa principala, l'individuala, ha liug la dumengia el territori da skis da Caischavedra/Péz Ault. Gia la sonda porschan ils organisaturs la cuorsa verticala ch'ei in bien ton pli cuorta. Ella meina da S. Catrina a Caischavedra. Cun quellas concurrenzas san ils organisaturs dalla Trofea Péz Ault danovamein seprofilar. 2019 han giu liug a Mustér concurrenzas dil Cup mundial. (fmr/hh) [Pagina 5](#)

SURSELVA



La cussegliazion dalla clientella ei stau quei che *Sepp Hendry* ha apprezzau il pli fetg sco vendider da velos. FOTO MARTIN GABRIEL

«Il svilup dils velos ei enorms»

Il davos venderdis, igl empren da mars 2024 ha *Sepp Hendry*, igl anteriur possessur dalla fatschenta Casutt Velos a Glion cumple-niu siu 65avel anniversari. Quei di ei *Sepp Hendry*, era numnaus il *Sepp* da velos, ius en pensiun. En discuors cun la FMR raquenta il negoziant, vendider e mecanist da velos dil svilup tecnic dils velos. «All'entschatta dils onns 1990 dev'ei aunc mo velos da via pil sport d'ir cun velo.» Pér entgins onns pli tard seigien ils em-prens velos da muntogna vegni. Lu hagi il boom d'ir cun velo entschiet per propi. E carschius seigi quei boom aunc inagada cun la naschentscha dils e-bikes avon paucs onns, raquenta *Sepp Hendry*. (fmr/mg) [Pagina 7](#)

ENGIADINA

Sustegn da proprietaris da seguondas abitaziuns

Avant ot ons es gnüda fundada a Scuol la gruppa d'interess ZWET (IG Zweitwohnungseigentümer). D'incuort ha salvà la ZWET a Scuol sia radunanza generala. Pel president *Heinz Zürcher* chi s'ha retrat es gnü elet *Sascha Ullmann*. *Aita Zanetti*, la presidenta cumünala da Scuol, ha express plaschair da la buna collavuraziun dal cumün culs possessuors e las possessuras da seguondas abitaziuns. La radunanza generala da la gruppa d'inter-ress ha s-chaffi ün fuond cun, per intant, ün import da 10000 francs per sustgnair e promover in avegnir progets da cultura, natüra e lingua in Engiadina Bassa. (pl/nba) [Pagina 9](#)

Levgiar midadas tar chasas veglias

Avant quatter onns ha *Martin Candinas* da l'AdC inoltrà sia iniziativa parlamentara. Uss ha il parlament dà suatientscha a sia finamira. Las duas chombras van perina da schluccar la lescha per abitaziuns secundaras.

RTR/FMR

Il Parlament federal schlucca las restricziuns da construcziun en vischnancas cun bleras segundas abitaziuns. Ins duai pudair spazzar, bajegiar da nov, sanar ed engrondir fin in tschert punct chasas, ch'èn vegnidas construidas avant il mars 2012 ed utilisar quellas senza restricziuns era sco abitaziuns da vacanzas.

En il futur duai per exempel esser lubi da spazzar in bajetg vegl, engrondir quel per 30 % da la surfatscha e construir il bajetg nov insa-nua auter sin la parcella. Las novas abitaziuns

«L'adattaziun da la lescha dat dapli pussaivladads als indigens.»

Martin Candinas, cusseglieir naziunal

n'èn lura betg pli suttamessas a la lescha davart las abitaziuns secundaras.

Martin Candinas è cuntent

Martin Candinas, ch'ha lantschà l'iniziativa parlamentara, è cuntent cun la schluccada. «L'adattaziun da la lescha dat dapli pussaivladads als indigens da pudair engrondir u era da far in'ulteriura abitaziun ordlonder che gida era a finanziar ina sanaziun e ch'els han ina pussaivladad da far insatge per che nus hajan vina-vant ils indigens che restan en ils vitgs», di il cusseglieir naziunal da l'AdC. [Pagina 3](#)

«Pir la pratica vegn a mussar, tgi che ha raschun.»

In commentari da la redactura *Claudia Cadruvi* davart las adattaziuns da la lescha dad abitaziuns secundaras – Pagina 3



FOTO CER/CAROLINE STAEGER

Anita Capaul banduna «ses» cudeschs

Anita Capaul ha bajegia si e manà la Chasa Editura Rumantscha (CER) dapi l'onn 2010. Durant quest temp ha la Lumneziana da 48 onns tgirà var 100 ediziuns – ussa ha ella dentant decidi per ina nova sfida professiunala tar il chantun. «Igl è in bun mu-ment, tant per la CER sco per mai», di *Anita Capaul* ch'è engraziavla e loscha da pudair guardar sin la cudeschera rumantscha. En l'intervista cun la FMR dat ella in sguard enavos sin las istorgias che la collian cun «ses» cudeschs. (fmr/vit) [Pagina 2](#)



30010



Servetsch d'abunents e da
distribuziun: tel. 0844 226 226
mail: abo@somedia.ch

9 771424 749004